

stantos, quam solent febrium intermittentium. Quamvis enim non tantum præ se ferrent calorem, quantum febres vulgares intermittentes; cum tamen regulariter adeo, uti mos est istiusmodi febrium, procederent, cumque insuper non omnes intermittentes, proprie sic dictæ, eundem observant caloris modum, omnes tamen eodem remedio, Cortice sc. Peruviano, debellentur; statui famosissimo illo specifico hunc affectum aggredi (intercalatis tamen medicamentis supra memoratis, ut pote quoniam alte mihi infederat notio dicta de acida succorum dyscrasia;) Nec fefellit eventus: Postquam enim duas vel tres istius corticis doses ante totidem paroxysmos, pro more tunc temporis (mihi saltem) solenni, exhibueram, sensibiliter ferociam suam deposuerunt, tandem continua ejusdem exhibitione prorsus evanuerunt, nec, quantum mihi recisse contigit, postmodum redierunt.

*Historia Convulsivi Affectus octonarium periodum
à multis annis observantis, per Clariss. D^{num}. Gui.
Cole, M. D. descripta & communicata.*

Dorothea Cook vidua, sexagenaria, Coffepola *Vigoriensis*, a triginta sex annis (triduo post nuptias) Epilepticis, nulla notabili ~~accidens~~ corripi cœpit; qui quamvis sub morbi initium frequenter, nullo tamen ordine, recurrebant. Invasio tam subita erat, ut quæ & aliis & sibi perfecte sana videbatur, noctu oculi in humum,



mum, mente protinus orba, concidere soleret: quo in statu postquam velut exanimis, nullis agitata convulsionebus, per aliquot horæ minuta jacuerat, discussa tandem nebula ad se rediit. Aliquot post menses circa plenilunium & novilunium, imo saepius in die istis temporibus, invadebant paroxysmi, & ad duos vel tres dies recurrere perleverabant; reliquo interlunii tempore bene habuit. Post pauculos inde menses, qui prius duarum fere septimanarum observaverant periodum, tandem bis intra singulas, sed inæqualiter æquali distantia, diebus sc. Jovis & Saturni, cursus suos repetebant. Brevi post nuptias grava facta est, foetumque solito tempore peperit, qui non ita multo post Epilepticus fato functus est; secundus item partus eodem modo periit: sed licet plures postmodum utriusque sexus liberos enixa fuerit, nullus tamen eorum ad hunc usque diem vel minimum ejusmodi effectus insultum perpetus est.

Per tres circiter annos memorato ordine (variis licet tentatis remediis) invadere persistebant paroxysmi, donec tandem Empirici cuiusdam plurimum decantato, nescio quo, remedio disparuerint, nec per aliquot menses redierunt; usque dum novi terroris occasione (ante potius, ut videtur, sopiti quam persanati) recruduerint. Hinc ad idem remedium iterum configiebat: sed quod pridem tantopere profuerat, nunc nil levaminis attulit. Nihilominus secunda vice doctissimi, perque multos annos apud *Vigoriām* merito celeberrimi, D. Johnson (super defuncti) ope à morbo brevi convaluit, atque sana perstigit adusque famosum *Vigorniense* præmium, anno 1651 dimicatum; quando, capta à *Cromwellio* *Vigoria*, dum ubique mors & horror sæviebant, ipsa (non secus ac cuncti præterea incolæ) immanni terrore perculsa, prisiorum insultum paroxysmorum iterum subiit; qui exinde irregulariter primo, & frequenter invadebant, postea sensim ad veterem redibant periodum. Dehinc varia, & à præfato D. Johnson, & ab aliis, usurpavit remedia,

media, sed incassum omnia. Postquam per biennium inde typō isthoc recurrere perititerant, tandem prae consternatione iterata diem invasionis mutarunt, atque primum bis hebdomadatim, tandem sola die *Dominica* (commotionis ansa isthoc die forte-fortuna ablata) ad hoc usque tempus invaserunt. Cujus quidem periodi, & symptomatum progressus sequenti modo se à tot annis habet.

Die Jovis circa vesperam invadere incipit dolor in vertice, nec non pulsativus circa ossis sacri regionem, qui die Veneris, altius paulatim serpens, medium occupat dorsum: Vesperi diei Saturni immanior evadit (multum etiam urgente siti) & pauculis, postquam se in lecto compulerit, horis ad humeros usque, sensim auctus assurgit; quo ubi pertigerit, quæ prius interdiu domestica obire valuerit munia, nunc sese vix omnino in lecto commovere audet, quod si, nisi admodum caute, fategerit, extemplo paroxysmum (fecus non nisi post plures horas invasurum) eumque multo severiorem, certo accersit. Parum hac nocte, præ dolorum molestia dormit, qui caput nunc atrocius infestant: Horum cruciatus mane in turbulentam somnolentiam transit, cuius etiam causa toto die Dominico à lecto abstinere nequit; nempe matutinis horis dormitat quidem, sed inquiete, atque aliquoties è somno exergilscens potum exposcit, quo sumpto se iterum somno tradit. Hora circiter duodecima, si non sponte evigilet, astantium interpellatione excitatur, cibosque monita sumit, rerum omnium circa se transactarum adhuc probe conscientia: dein statim in somnum relabitur (nisi verius animi torporem dixeris, quippe nec excitari amplius potest, nec cujusvis rei nunc actæ memoriam retinet) cum frequenti corporis in lecto jactatione; quo ad sextam præterpropter horam vespertinam detinetur. Hac hora ingruunt convulsiones, sed interpolatae, ad horas quinque eam exercentes; quæ primo mitiores, tandem circa horam undecimam maxime

ime violentæ evadunt; per quarum intervalla oblatam Allam (tenuorem enim potum ipsa, dum mente constat, vetat sibi in paroxysmo porrigi, noxam inde ventriculo imprimi experta) avide haurit. Elapsa hac horaredit, qua per tot horas caruit, mentis usura, omniumque deinceps agendorum notitia, verum reliqua noctis parte se irrequieta in cubili jactat, prorsus insomnis. Die Lunæ, circa horam nonam matutinam, lecti tædium non amplius tolerare valens, ex eo surgit, sed toto die univerò corpore dolet, & quamvis hoc die sat libere domum suam obambulet, jurisque nigri pocula hospitibus propriis manibus ministret, artus tamen rigidos quasi, adque motum parum aptos queritur, qui tandem somni placidissimi, sequenti nocte obrepentis, mulcedine torporem deponunt (nulla tamen accidente, sive per sudorem, sive urinam, sive alio quocunque modo, saltem sensibili, critica evacuatione; ut pronum mihi sit conjectare, materiam, ex cerebro detrusam, à sanguine resorberi, in fermentum pro novo paroxysmo excitando denuo maturandum) duorumque hinc vel trium dierum induciæ conceduntur, donec novo aggesto fomite eadem denuo adornatur symptomatum scena. Nulla à multis retro annis admittere voluit remedia, utpote eorum infructuosa administratione tamdiu, ante hac lassata. Unum præterea satis rarum occurrit, quodque forte mente eam minus constare suspicionem daret, nisi ubique notum esset, nervoso genere affecto, notabiles inde impressiones in animum fieri: Nempe à longo tempore persuasam habuit se, si extra fores se proriperet, paroxysmo confestim tentandam iri, proinde se intra proprios parietes continenter per aliquot annos clausit; cum vero ante viginti annos præ importuna solicitatione vicini cuiusdam ædes coenatum adiret, statim atque in illas se receperat in eum, prout mens ominata fuerat, extra usitatam periodum incidit, ut necesse habuerit dominum reportari, ubi solito graviorem perpessa est. Exinde

de nunquam extra limen suum excessit, nisi cum ædes ante octodecim annos (in cathedra deportata) novis mutaret, quo momento, licet haud statu recursus die, invaseret paroxysmi, perque decem dies continuos, bis in singulis invadentes, persistebant, donec tandem ad solitum redierint tenorem; Veruntamen pedem unum extra limen imo totum corpus, modo pollicis pedis summaum apicem intra limen detinuerit, exerere & audet & solet; integrum autem corpore vel latum unguem inde excedere nec audet, nec ullo pretio obtinueris, non si talentum obtuleris. Cum olim famosus ille Chiriater *Greatarakius Vigorniæ* ageret, ad hanc adductus est, ut quid in tam raro affectu valeret ipsius manus experiretur: illa autem, auditu hunc eo consilio appulisse, nondum tamen viso, in gravissimum paroxysmum incidit, qui non ante septimum ab insultu diem eam deseruit. Interea toto hoc tot annorum curriculo nullam extra paroxysmos vel intellectus, vel functionum cæterarum animalium, notabilem læsionem passa est, quin (cum bono, adque pinguedinem vergenti, corporis habitu, vultuque florido) non minus expedite, pro ratione ætatis, negotia domestica, adque eam quam exercet vocationem spectantia, exequi videatur, quam si nullo omnino, præcipue capitis morbo laboraverit.
